









穀詒蒙卷之十

蘇轍集杜茂重跋

真南岡 吳訂正 男以仁賢

教子民規

一教子弟其在五六歲時方漸漸有本脫影

存春堂前依依膝下趣其天性本真具足矣

道為父母者須當將順其美子其情親

建學房日勉令習生習於其美







穀詒彙卷之十



秣陵梁桂茂重較

滇南陶

珙訂正

男

以試以鑄督梓

教子良規

一教子弟其在五六歲時方離襁褓未脫孩心  
眷眷堂前依依膝下迺其天性本真具足孝  
道爲父母者須當將順其美毋拂其情卽令  
就學每口祇令習坐習靜識字第一讀書次





之儻或稍有出入。亦當聽其自便。不可拘之太嚴。如其放縱無度。亦當稍示辭色。令其稍改。卽止。切不可故爲呵斥。以恐其心。加之朴責。以重其畏。蓋時方孩幼。筋骨未堅。血氣未滿。心知未定。其見異物。且不免心悸而神怖。一旦離其父母之愛。而遽當此師訓之嚴。安能不恐懼而畏縮乎。宜其視書館如陷阱。見師長若仇讐。而就學之心。改而爲避學之心。



也。從此逼迫。重違其性。外雖強順。中實傷神。一旦病發。雖悔何及。吾願爲父母若師者。須識此理。當小兒初就學時。教誨固不可缺。而保護尤所當慎。

一教小兒。須先令其認識所讀之書之字。如讀大學之書。古之大學二句。卽先令其識此十五字。然後教以習讀。必令其逐一手指。挨字而讀。庶心口相應。耳目不分。久之識字愈多。



則習讀愈便。始教之時。師生兩難。習熟之後。師生俱易。况目能識字而讀。讀此一句。卽心在此一句。習讀愈多。心志愈斂。古人所謂眼到口到。心到也。有此三到。不必用法繩之。而心志日斂。則規矩日就矣。不然。徒事口耳授受。而不責以心目。縱日加鞭朴。放心難收。甚者。讀竟學庸。而問其所讀之書之字。十不識一。良可嗟歎。吾願爲師若父兄者。知此要歸。



焉。

一。小兒初就學時。固宜以識字爲先。而寫字尤不可不慎。古云。心正則筆正。筆之不正。則知其心之不正矣。故養蒙者。必養之以正。而後聖功從此而始。寫字雖非正心之本務。而亦正之之一端。况有字乃有文。文字二者。缺一不可。字而端楷。則主司閱文時。先已動其歡心。卽五六分文。便作十分看矣。所以教子弟。



者。此段工夫尤不可忽。如今之開蒙者必先  
把筆潤硃。令其點畫撇豎。一一如法不爽。而  
後作書法。以令其印證。此是常則。然而書法  
切勿草率。必求善書者作之。俾先端其初始。  
庶後如蘇黃米蔡等家。及今姜立綱文太史  
等刻。自可易而學也。

一教小兒初學時。已不論至如稍長。其或資稟  
可進者。上等每日授以生書一二十行。或增



至二三十行。中等授之以數行。或增至十五  
六行。下等授以五六行。卽減至二三行亦可。  
其讀生書。每首教以二三十遍。或一二十遍。  
敏捷者卽一二遍亦可。教後必須令其面證。  
一二遍令無一字差錯乃已。證後令其就座。  
每首生書必責其讀至百遍。聰穎者五十遍  
亦可。正書讀完。教以探書。令其每首讀二十  
遍。須探以五日。每日每首二十遍。讀至五日。



每首非百遍乎。併其正日百遍。下等者每首亦將二百遍矣。況今日一讀。明日再讀。後日復讀。讀至五日。心口漸順。自不生澀。生者探後五日。背者探前五日。則每首而讀十日。何患書之不熟也。然亦必須兼理熟書。不得一本放空。如大學已完。進讀中庸。是庸爲生書。學爲理書。理書第一次理半板。第二次理一板。三次二板。四次三板。必至通背乃已。然亦



不可停止。照前原理或三板或五板各隨生  
熟而多寡之。讀中庸半本後須將前半從頭  
理起。照理大學之法。讀上論如之。上論不必  
半部。讀完二冊。即可從前理起。每完二冊法  
照如前。下論上孟下孟讀理俱如前法。讀完  
四書。進而讀經。然後可將四書分作四本。學  
庸上論作一本。下論作一本。上孟作一本。下  
孟作一本。每本或三板或五板。各隨生熟而



多寡焉。讀經亦如四書法。隨讀隨理。旋轉不窮。書之不熟。余殆未之深信也。

一教子弟讀完經書後。卽令兼讀別經。易爲五經之原。具有三才之道。書以道政事。詩以理性情。三者皆當摘其至要者講而讀之。春秋爲孔氏刑書。其旨嚴。其義正。讀之令人心怖而神悚。全讀未爲不可。卽欲簡便。選其五分之三。必不可少。亦必兼左氏傳而夾讀之。廼



可睹其大全。禮爲檢束身心之書。讀之亦不  
宜少。此在爲師者各隨子弟之資稟而造就  
之。慎勿拘拘於一隅之見也。讀完後隨令先  
看性理。卽選其至要者而令其抄讀。如太極  
通書。正蒙洪範。啓蒙東西二銘。及道統諸儒  
等類。皆徹上徹下之書。學者不可不曉。讀此  
完後。卽如史記秦漢。周禮家語。老莊淮南。諸  
子百家。及離騷等篇。俱不可不選擇而牢記。



於胸次。下而至于唐宋等文。如蘇韓傑出者。不必論。其他凡有補於理道。資吾識見者。均當旁搜而博採焉。至如綱鑑諸史。下而佛經。不甚與吾儒背叛者。亦宜參考。以廣見聞。

一教子弟。除六七歲不論外。至八九歲時。其聰明漸開。當隨其每日所讀之書。卽與逐句講解。資稟竒高者。一講可明。卽其未敏者。日與講論。久之亦可漸曉。蓋心之虛靈。知覺不分。



智愚本然完具。第患開關啓鑰者之無人所  
以聰明廼蔽。兼以師之不善教者。止事朴責。  
徒張威勢。此適足以錮其靈機。何能開豁其  
慧見。子弟無成。往往由此。吾今願爲師若父  
兄者。須識此意。當寬假其辭色。緊嚴立其課  
程。時用好言勸諭。上之動以聖賢德業。次之  
動以功名富貴。再次之惕以利害禍福。子弟  
卽至愚者。日聆嘉言。必能警悟。自然尋向上



去甘心願學。於此不悟。則其爲下愚可知。卽  
日用朴責。何補于事也。

一教子弟如資稟最高者。其在八九歲時。經書  
可以讀完。完後每日放學時。卽與講解四書  
一二章。先上下論。次上下孟。再次學庸。講後  
隨其所講之書。選其最平易明白者。破二箇。  
令其抄寫。卽與講明記誦。次早進學時。作揖  
後。復令朗背。如不記者。稍示呵責。以警將來。



如此百日。便通曉破義二百矣。其體格已先  
備知。而後教以作破。何患難就。作破時卽選  
破承明白便捷者。每日抄記二個。如講破法。  
似此百日承又通曉二百。後令作承卽如破  
竹之易矣。作承時卽選平易明正程墨或時  
文大小題絕佳者。日令抄寫一篇。每篇明與  
批註。是何格局。如一句八比格。兩句合扇格。  
兩句串做格。兩句上下半格。三句一頭兩腳



格。三句三段格。三句兩頭一脚格。如此等類。  
一一與之畫斷細註明白。邇來文體更又參  
差錯落。甚至有十二比十四比者。文機更活。  
不可端倪。必須一一與之講解。似此百日便  
讀一百篇文字。識得一百篇文義機局矣。已  
後令其作文。何患正路之難由。文理之難明  
哉。此予已試之成規。及門弟子多所成就。悉  
賴于此。今人不曉此義。子弟目不知文。而卽



令其作文。及其未能。便爾厭棄。殊爲可矜。吾願爲父兄若師者。相與共成之。

一教子弟。其在六七歲時。不問智愚。賢不肖。皆當以愛養爲先。教訓卽次。况能用好言勸諭。使彼知讀書之高。勤於教導。使彼不憚讀書之苦。乃爲善教。若徒事呵斥而朴責。前言已盡。恐不惟無益。而反有損也。至八九歲時。年方稍長。或可用威。若遇聰穎者。卽如前法。自



然警悟。其或未覺。略加夏楚以懲之。此在一  
兩三月。或半年。一用方可示威。若久用而不  
止。則彼習以爲常。必致耻心盡喪。而終于頑  
鈍不悛無疑也。故余之教子弟。其遇聰穎者。  
單用善言警悟。往往不苦而事成。卽遇愚頑  
亦加朴責。朴後仍用好言勸諭。亦每知悔而  
能新。不然者。所謂下愚不移。前謂卽朴責之  
無益也。故余願爲師若父兄者。其教子弟。只



費自己口舌之煩。講貫之詳。督課之勤。兼以  
自己持身之莊。出語之正。子弟見之。自然知  
悚。斷不在恐嚇朴責間也。此可與智者道。  
一父兄之於子弟。其棄而不教。與夫專事姑息。  
而不知約束者。此其弊失之不及。固不足道。  
卽有篤于教誨。而惟事朴責。不顧子弟之所  
安。不諒子弟之所稟。與其學問之生熟。而惟  
欲速以求卽成。不知功夫有序。克長有時。精



神有限。何可一旦而助長。欲速不達。往往由  
此。孟子所謂勿忘勿助。乃爲中道。故余願爲  
父兄若師者。其教子弟不必躡等。當知循序。  
不必急性於一時。而在操功於悠久。日復一  
日。月復一月。年復一年。毫不放空。亦不逼迫。  
優而游之。使自得之。藏焉脩焉。息焉游焉。順  
其天真。養其靈覺。自然慧性日開。生機自活。  
朱子所謂用力之久。而一旦豁然貫通者。蓋



有試而云然。必非浪語。敢以是勗。

一教子弟作文。須先與他講明書旨。每出題目。先將通章本意。逐句逐節。從頭至尾。何者當重。何者當輕。一一講明。令其通曉。然後又將所出題目。再與細說一番。如出一句題目。看他何字當挑。何字當剔。或該承上。或該含下。其兩句者。或該合扇。或該串講。或該上下半格。三句者。或三段。或一頭兩腳。兩頭一腳。或



亦該串講等類。四句五句俱如之。次第與他講明題意文格。令其各各通曉。以後及于搭題。長題搭題。須要照應。長題須要聯絡。然亦必先從題目顯易明白。易于發揮者。先教之。而後及于理題。庶令學者不苦難。而便于措手。總之施教者。先自明理。勘破題目。而後令學者據理立言。路自不錯。不然如命盲者而促之行。彼將悵悵其何之也。初學文時。子弟



不能卽曉必親自與他代做。何等題目該是  
何破何承。及開講行文束結等項。一一與他  
思索親口流出。念一破令學者手寫一破。念  
一承令學者手寫一承。隨與講解。至開講行  
文束脚。一一親與思索。一一口念隨令手寫。  
卽與講明。如此施教子弟自然經心。不敢亂  
寫。蓋理會得明。字可無錯。字或有差。明知其  
胷中未曉。隨就其差處。一一改正。卽與講明。



講貫漸多。則知識漸啓。如此細細開導。卽學  
五六十篇文字。便曉此五六十篇文義機局  
矣。積而至於百篇。未有不能文者。此余已試  
之。規確有成驗。非敢浪譚。有等先生其教子  
弟學文。旣不與他講明題理。亦不與他經心  
思索。止惟抄寫坊刻。令學者照前比對後比。  
學文者亦不自去經思。止惟照天對地。照日  
月對山川等類。徒事狗迹。不一庸心。所以學



文二三年。更不知題中理趣。文中機殼。往往由此。甚有逕將自己所作。或錄他人文字。令學者抄謄簿上。手與批點。弄彼子弟。欺彼父兄。不念彼之倚仗我者。何專且重。而天地神明之降鑒我者。何顯且赫。而迺若是其相欺也。此其所損陰德甚大。吾願與爲師者共戒之。

一教子弟學文。其未能時。爲師者每出一題。固



當與之代思而代作。面語而口授。必令其手  
自書寫。如前教法。卽子弟未敏者。歷經半年。  
當自領會。未有不能文也。及其稍自能文。爲  
師者須當看其資稟所就。意見所及。各順其  
性。而委曲以成之。筆清者就其清。見大者就  
其大。調高者就其高。詞麗者就其麗。少有一  
得。則當取其一。得以鼓其進。必不可一於塗  
抹。以阻其機。大都造意要超卓。立格要正大。



題旨要明透。筆氣要清順。此爲行文者要務。於此不甚背謬。便是可成之機。如艱澀晦滯。雜亂重濁。此等筆路。到底無成。要之學文之始。擇師爲上。擇其師之善文者。自然形端則表正。淵澄而流自清矣。爲父兄者。慎之重之。教子弟能文。更無他法。其未文時。先將書旨講明。令其心胷開豁。每閱一章書。渾如目見聖賢。當日口語。領會無錯。此是根本急務。以



後精選新舊程墨。或時義之明白而正大。冠  
冕而可法者。日令抄寫一二篇。每篇必與批  
點。分定格局。畫斷股數。隨即與之講解。講一  
篇。讀一篇。讀一篇。背一篇。必令篇篇精熟。乃  
已。積至一二百篇。或三四百篇。訂成一二帙。  
時令反覆潛玩。毫無一字不明。一意不達。乃  
爲有用。久之筆底自活。生機自覺。而絕無枯  
澀阻礙之苦矣。及其能文以後。此段工夫決



不可少。須將每科新出程墨及十八房或時  
義小題之絕佳者多選而多記。若能日誦數  
千言而時記于胷次。何患文詞之不富而下  
筆之難就也。臨場便易莫便於此。然要之此  
是第二乘法。須先看明書意。領會題旨。乃爲  
上乘。若徒摭拾陳言。襲取套語。有識者見之  
祇令取厭。何足動目。此又學者不可不戒。  
一教子弟讀書作文。前法庶或可少補。至如立




身根本。孝弟爲先。其初學時。必先令其識此義理。如何爲孝。善事父母是也。如何爲弟。善事兄長是也。凡事親事長之道。一一與之講明。卽如文公小學中所具雞初鳴。咸盥漱等章。逐一指示。令其童而習之。勿使失性。蓋孝弟二字。性中原具此理。孟子所謂無不知愛。無不知敬者。自孩提而已然。祇因幼而失教。反傲習非。養成驕妬之氣。長便不知有父母。



有兄弟而好貨財。私妻子。不顧父母之養。有之。惑于妻言。疎其兄弟。甚至視兄長如仇讐。或因爭財而互相告訐。卽以身破家而不知少惜。此皆不明於一本之愛。一體之分。而究其由。皆緣於自幼不讀詩書。卽讀詩書而不知孝弟之爲重也。吾願爲師與子弟者並最之。







穀詒彙卷之十一

宋西山真德秀編

明滇南陶

珙訂

男

以錫鑄

督梓

家塾常儀

常日之儀

蚤起直日擊板。諸生升堂。北面序立。伺師長正  
席南向坐。諸生北面端揖畢。以水洒堂上地。少  
頃以箒掃地淨。以巾拭几案。廼就席餘。令學僕



洒掃終事。

朔望之儀

是日昧爽。直日一人擊板。師生咸起具服。再擊。  
師長帥諸生詣先師像前再拜。焚香讀贊。歌  
詩。訖再拜。師長西南向立。學生東北向再拜。前  
致辭。又再拜。就西席。

學禮

凡學者要識禮數。家庭事父母兄長。書院事先



生並要恭敬順從。遵依教訓。與之言則應。教之事則亟行。毋得舒緩。自任已意。

### 學坐

正身直體。齊脚。歛手。毋傾倚。偃側。毋交脛。搖足。毋靠背箕踞。起毋急緩。

### 學行

叉手重跟。徐行。必後長者。毋掉臂。輕踵。毋踐闕。曳履。有尊命則肅趨之。



學立

端身拱手。毋背所尊。毋跛倚欹邪。

學揖

低頭屈腰。出聲收手。毋輕率慢易。

學言

恒持慎默。有事則問。問及則對。致詳審。重然諾。肅聲氣。須和緩。分明勿含糊。兩端勿泛。勿欺。勿輕。勿誕。勿及閑事。勿及傳聞事。毋及鄉里人物。



短長。母及市井鄙俚戲謔無益之談。

視聽

母傾視。母傾聽。

容貌

溫恭端重。母輕易放肆。母粗狠傲忽。母妄有喜怒。

衣冠

母爲詭異華靡。母致垢敝簡率。雖燕處不得袒。



裸。雖盛暑不得輒去鞋襪。

### 飲食

毋求飽。毋貪味。食必以時。毋耻惡食。不得飲酒。

### 誦讀

專心肅容。記遍數。句句字字分明。每句終。字重讀。則句完。不可添增虛聲。使句讀不明。遍數未足而已成誦。必足遍數。遍數已足而未成誦。必加數成誦。務要心口眼三到。毋得目視東西。手



弄他物。一書已熟。方讀一書。毋務泛觀。毋務強記。卑俗之詩。勿誦。俚近之文。勿觀。

### 讀書先務

自胎教。至子能言能食。一一放古人教之之法。及年七八歲。就小學。蒙昧未知向方。但先收其放心。養其德性。隨時隨處。禁戒弊誘。曲爲漸漬。溷濡習成。溫恭端默氣象。時時與言古今孝悌忠信長厚退讓等事。使其盈耳充腹。皆性分中。



道理。至於洒掃應對。愛親敬長。品節事宜。直須  
身帥耳提。盡其曲折。俾一一慣熟。間則教之數  
目。與方名。導之詠歌。古詩。悠揚三復。以養其性  
情。使漸興起。若夫是後讀書量。質量年。漸爲增  
益。難以例拘。但授讀多少。宜半其資。只期精熟。  
勿令畏苦。使之優然有餘力。而欣然樂從事。爲  
善也。



藝可適情者。彈琴習射。投壺學算。歌詩。倦時則  
及之。不宜少近博奕詞曲。諸凡無益鄙戲。家則  
中已歷言深戒之矣。







穀詒彙卷之十二

方壺楊汝成更定

滇南陶珙編次

男有芝毓芝督梓

功過格款

准千功

首植忠孝大節。

凡爲臣一  
念不欺。隨職自  
盡。事親一  
心孝愛。隨人自

盡。俱

是。

勸息一切害人之人。



力阻一切害人之事

嘗懷與人爲善心。不輕督過。

起一事利及無窮。

准百功

救免一人死。昭雪一人冤。

完一婦女節。阻人不溺一子。不墮一胎。

准五十功

延續一嗣。收養一無依。瘞一無主骸。



掩一人惡。除一民害。救免一人流離。  
建倉平糴。

准三十功

度一受戒弟子。勸化一非爲人改行。  
施一地與無主之家葬。饒負。還遺。  
作功果薦度沈魂。

准十功

薦引一有德人。以方術活一重病。



編纂一濟衆經法。

准五功

勸息一人訟

傳人一保益性命事。

編纂一保益性命經法。

以方術療一輕病。

救一有力報人之畜命

准三功

受一橫不嗔。

任一謫不辯



受一逆耳言。救一無力報人之畜命。

准一功

讚一善人。濟一人饑。勸息一人爭。

行治人病一度。拾得遺字一千。

遇一應饗飲饌不饗。

畱無歸人一宿。講解善法化諭一人。

所興事利及一人。接濟人畜疲頓一時。

瘞一自死禽畜。救一微細濕化之屬命。



百錢准一功

散錢積計粟帛之屬准此

脩剏道路橋渡。

疏河掘濟衆井。

修置聖像壇宇及供養等物。

施與人轉修置者減半

施行勸濟人文書。

賑濟貧窮。

百錢以下亦准

施茶藥衣棺及一切方便事。

准千過

首違忠孝大節。

凡居官不能盡心爲予不能盡力俱是

陰主一切害人之人。



讚助一切害人之事。

嘗懷苛責人心使人無可容。

造一事害被無窮。

准百過

惡口中人。致一人死。失一婦女節。

坐一人冤。造謫妄污一人。

薦用一匪人。讚助人溺一子墮一胎。

准五十過



沒人善。

播人惡。

絕一人胤。

破一人婚。

拋棄一人骸。

致一流離。

准三十過

見一寃得白不白。

遇一患告救不救。

毀一人戒行。

准十過

排擯一有德人。

摘發一人陰私。

受觸一原失節婦。

因公恃勢巧索。



負一約。畜一殺衆生具。

准五過

毀滅一經教。編纂一傷化詞傳。

唆一人訟。造一人譚名謬謠。

阻截道路橋渡。殺一有力報人之畜命。

准三過

欺誑一無識。撲一不應撲人。

乖一尊卑次。兩舌離間人。



殺一無力報人之畜命。

准一過

唆一人爭。讚助人非爲一事。

見一盜不勸阻。不問取人一鍼一草。

嗔一逆耳。見一人憂驚不慰釋。

役人畜不憐疲頓一時。

殺一微細濕化之屬命。

百錢准一過



暴殄天物。毀壞人成功。背衆受利。

侈用他錢。負貸。匿遺。百錢以下亦准

及一切瑣屑刻核事。

凡遵行是格者。每月朔朝焚香告天。將前月內功行幾件。過失幾件。有未合前款者。引例自准。將功折過。日積月累。渾然至善。此卽趙清獻公焚香告天之意。人品自爾光明峻偉。卽居官者公冗煩。



劇嘗存此心。亦可積累至多。永無墮落  
之苦。



